

Есірткі құралдарының, психотроптық заттардың және олардың прекурсорларының үлгілерін беру тәртібі туралы келісімге қол қою туралы

Қазақстан Республикасы Үкіметінің 2011 жылғы 17 қазандағы № 1187 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Есірткі құралдарының, психотроптық заттардың және олардың прекурсорларының үлгілерін беру тәртібі туралы келісімнің жобасы
мақұлданды.

2. Есірткі құралдарының, психотроптық заттардың және олардың прекурсорларының үлгілерін беру тәртібі туралы келісімге қол қойылсын.

3. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

К. Мәсімов

Қазақстан

Республикасы

Үкіметінің

2011

жылғы

17

қазандағы

№

1187

қаулысымен

мақұлданған

Жоба

Есірткі құралдарының, психотроптық заттар мен олардың прекурсорларының үлгілерін беру тәртібі туралы КЕЛІСІМ

Бұдан әрі Тараптар деп аталатын Тәуелсіз Мемлекеттер Достастығына қатысушы мемлекеттердің үкіметтері,

есірткі құралдарының, психотроптық заттар мен олардың прекурсорларының заңсыз айналымы және оларды теріс пайдалану Тәуелсіз Мемлекеттер Достастығына қатысушы мемлекеттердің ұлттық қауіпсіздігіне, олардың халқының денсаулығы мен әл-ауқатына елеулі қауіп төндіретінін сезіне отырып,

2000 жылғы 30 қарашадағы Тәуелсіз Мемлекеттер Достастығына қатысушы мемлекеттердің есірткі құралдарының, психотроптық заттар мен олардың прекурсорларының заңсыз айналымына қарсы күрестегі ынтымақтастығы туралы келісімнің және 2002 жылғы 7 қазандағы Тәуелсіз Мемлекеттер Достастығына қатысушы мемлекеттердің есірткі құралдарының, психотроптық заттар мен олардың прекурсорларының заңсыз айналымына қарсы іс-қимыл жасасудағы ынтымақтастық тұжырымдамасының мақсаттарын негізге ала отырып,

есірткі құралдарының, психотроптық заттар мен олардың прекурсорларының заңсыз айналымына қарсы тиімді іс-қимыл жасасу Тараптардың ақпараттық өзара іс-қимыл жасасуын нығайтуды қажет ететінін мойындай отырып, халықаралық құқықтың жалпыға танылған қағидаттары мен нормаларын б а с ш ы л ы қ қ а а л а о т ы р ы п , төмендегілер туралы келісті:

1-бап

Жедел-ізвестіру іс-шараларын жүзеге асыру, салыстырмалы криминалистикалық зерттеулерді жүргізуді қамтамасыз ету үшін, сондай-ақ ғылыми және оқу мақсаттарында заңсыз айналымнан алып қойылған есірткі құралдарының, психотроптық заттар (бұдан әрі — есірткі) мен олардың прекурсорларының үлгілерін беру тәртібін белгілеу осы Келісімнің нысанасы болып табылады.

2-бап

Тараптардың құзыретті органдары жедел-ізвестіру іс-шараларын, анықтау, тергеу амалдарын жүргізу барысында алып қойылған, сондай-ақ басқа да жолмен алынған есірткінің және олардың прекурсорларының үлгілерін беруді жүзеге асыра алады.

Тараптардың әрқайсысы өзі үшін осы Келісім күшіне енген күннен бастап 30 күннен кешіктірмей оны іске асыру жүктелетін құзыретті органдардың тізбесін айқындайды және бұл туралы депозитарийге хабарлайды.

Осы Келісімді орындау мақсатында Тараптардың құзыретті органдары бір-бірімен тікелей, сондай-ақ дипломатиялық арналар бойынша хат-хабарлармен алмасу арқылы өзара іс-қимыл жасасады.

3-бап

Тараптардың құзыретті органдарының есірткі мен олардың прекурсорларының үлгілерін беруі осы Келісімге 1-қосымшаға сәйкес жүзеге асырылады.

Есірткінің және олардың прекурсорларының үлгілерін осы Келісімге қатысушы мемлекеттердің мемлекеттік (кедендік) шекаралары арқылы өткізу, сондай-ақ осы Келісімге қатысушы мемлекеттердің аумақтары арқылы транзитпен өткізу бірінші кезектегі (басым) тәртіппен жүзеге асырылады. Бұл ретте кеден органдарына осы Келісімге 2 және 3-қосымшаларға сәйкес ресімделген Есірткі құралының, психотроптық заттың немесе олардың прекурсорының үлгісін есепке алу карточкасы ұсынылған жағдайда, кедендік декларация ретінде көліктік (тасымалдау), коммерциялық және (немесе) өзге де құжаттар пайдаланылуы мүмкін.

Осы Келісімге 1-қосымшада көзделген ережелер сақталған жағдайда өткізілетін

есірткі мен олардың прекурсорларының үлгілері кедендік тексеруден босатылады.

Әрбір Тарап есірткілер мен олардың прекурсорларының үлгілерін мемлекеттік бақылаумен өткізуді оңайлату үшін шаралар қабылдай алады.

4-бап

Осы Келісімнің шеңберіндегі ынтымақтастық Тараптардың құзыретті органдарының көмек көрсету туралы сұрау салулары (бұдан әрі - сұрау салу) негізінде жүзеге асырылады.

Сұрау салу жазбаша нысанда жолданады және мыналарды:

- а) сұрау салатын және сұрау салынатын Тараптардың құзыретті органдарының атауын;
- б) істің мәнін баяндауды;
- в) сұрау саяу мақсаты мен негізін көрсетуді;
- г) сұрау салынатын көмек көрсетудің мазмұнын;
- д) сұрау салуды орындау мерзімін қамтуға тиіс.

Тараптар сұрау салуды орындау үшін пайдалы қосымша ақпарат бере алады.

Сұрау салуға құзыретті органның басшысы немесе оның орынбасары қол қояды және елтаңбалы мөрмен бекітіледі.

5-бап

Сұрау салынатын Тараптың құзыретті органы сұрау салуды уақтылы, толық және сапалы орындауды қамтамасыз ету үшін қажетті барлық шараларды қабылдайды.

Сұрау салуды орындауға кедергі келтіретін немесе елеулі кідіртетін мән-жайлар болған жағдайда, бұл туралы сұрау салатын Тараптың құзыретті органына дереу хабарланады.

Егер сұрау салынатын Тараптың құзыретті органы сұрау салуды орындау осы Келісімге қатысушы мемлекеттің аумағында жүзеге асырылатын қылмыстық немесе өзге де іс жүргізуге кедергі келтіруі мүмкін деп ұйғарса, онда ол сұрау салатын Тараптың құзыретті органынан кеңес алған соң сұрау салуды орындауды кейінге қалдыра немесе оны орындауды қажетті ретінде белгіленген шарттарды орындаумен байланыстыра алады. Егер сұрау салатын Тараптың құзыретті органы сұрау салынатын Тараптың құзыретті органының көмек көрсетуін осындай шарттармен қабылдаса, онда осы шарттар сақталуға тиіс.

6-бап

Сұрау салатын Тараптың құзыретті органы сұрау салынатын Тараптың құзыретті органына осы Келісімге сәйкес алынған сұрау салуды орындау нәтижелерін жария

етпеу немесе олар келіскен жағдайларда ғана пайдалану туралы өтініш білдіре алады. Егер сұрау салатын Тараптың құзыретті органы сұрау салуды орындау нәтижелерін осындай шарттармен қабылдаса, онда ол осы шарттарды сақтауға тиіс.

Егер сұрау салынатын мемлекеттің - осы Келісімге қатысушының ұлттық заңнамасында осылайша әрекет ету міндеті көзделсе, осы баптың ережелері сұрау салуды орындау нәтижелерін өзге де мақсаттарда пайдалануды жоққа шығармайды. Мұндай жағдайда сұрау салатын Тараптың құзыретті органы сұрау салуда сұрау салуды орындау нәтижелерін осылай ықтимал пайдалану немесе жариялау туралы сұрау салынатын Тараптың құзыретті органына міндетті түрде хабарлайды.

Сұрау салынатын Тараптың құзыретті органы сұрау салатын Тараптың сұрау салуды орындау нәтижелерін сұрау салуда көрсетілмеген мақсаттарда пайдалану туралы өтінішінен бас тартуға құқылы.

7-бап

Егер сұрау салынатын Тарап осы сұрау салуды орындау мемлекеттік мүддеге зиян келтіруі мүмкін не ұлттық заңнамаға қайшы келеді деп ұйғарса, осы Келісімнің шеңберінде көмек көрсетуден толығымен немесе ішінара бас тартылуы мүмкін.

Сұрау салуды орындаудан бас тарту туралы шешім қабылданған жағдайда, сұрау салатын Тараптың құзыретті органына 30 күннен кешіктірілмей бас тарту себептерін көрсете отырып, бұл туралы жазбаша хабарланады.

Егер көмек көрсету туралы сұрау салуды орындау сұрау салуды алған органның құзыретіне кірмесе, онда осы орган оны сұрау салынатын Тараптың тиісті құзыретті органына дереу береді және бұл туралы сұрау салатын Тараптың құзыретті органына х а б а р л а й д ы .

Қажет болған жағдайда сұрау салынатын Тараптың құзыретті органы сұрау салатын Тараптың құзыретті органынан оның пікірі бойынша сұрау салуды орындау үшін қажетті қосымша мәліметтерді сұратуға құқылы.

8-бап

Егер әрбір нақты жағдайда өзгеше тәртіп келісілмесе, осы Келісімді орындау барысында туындайтын шығыстарды Тараптар дербес көтереді.

Тараптар қажет болған жағдайда осы Келісімді орындау мақсатында бір-біріне өтеусіз көмек көрсете алады.

9-бап

Тараптардың құзыретті органдары ынтымақтастықты жүзеге асыру кезінде жұмыс тілі ретінде орыс тілін пайдаланады.

10-бап

Осы Келісімді қолдану және түсіндіру кезінде Тараптардың арасында туындайтын даулы мәселелер мүдделі Тараптардың консультациялары және келіссөздері немесе Тараптар келіскен басқа рәсім арқылы шешіледі.

11-бап

Осы Келісім басқа халықаралық шарттардан, оның ішінде олар қатысушылары болып табылатын қылмыстық істер бойынша құқықтық көмек туралы шарттардан туындайтын осы Келісімге қатысушы әрбір мемлекеттің құқықтары мен міндеттемелерін қозғамайды.

12-бап

Осы Келісім оның күшіне енуі үшін қажетті мемлекетішілік рәсімдерді оған қол қойған Тараптардың орындағаны туралы үшінші хабарламаны депозитарий алған күннен бастап күшіне енеді.

Қажетті мемлекетішілік рәсімдерді кешірек орындаған Тараптар үшін Келісім депозитарий тиісті құжаттарды алған күннен бастап күшіне енеді.

13-бап

Тараптардың өзара келісімі бойынша Келісімге тиісті хаттамамен ресімделетін өзгерістер мен толықтырулар енгізілуі мүмкін.

14-бап

Осы Келісім белгіленбеген мерзімге жасалады.

Әрбір Тарап осы Келісімнің қолданылу уақытында туындаған міндеттемелерді ретке келтіріп, шығар алдында кемінде 6 ай бұрын бұл туралы депозитарийге жазбаша хабарлама жолдап, осы Келісімнен шыға алады.

15-бап

Осы Келісім күшіне енген соң ол депозитарийге қосылу туралы құжат беру арқылы оның мақсаттары мен қағидаттарын қолдайтын кез келген мемлекеттің қосылуы үшін ашық.

Тәуелсіз Мемлекеттер Достастығына қатысушы мемлекет үшін осы Келісім депозитарий қосылу туралы құжатты алған күнінен бастап 30 күн өткен соң күшіне енеді.

Тәуелсіз Мемлекеттер Достастығының қатысушысы болып табылмайтын мемлекет үшін осы Келісім депозитарий оған қол қойғандардың барлығының немесе оған қосылған мемлекеттің осындай қосылуға келісетіні туралы соңғы хабарламаны алған күннен бастап 30 күн өткен соң қолданысқа енгізіледі.

2011 жылғы «___» _____ қаласында орыс тілінде бір түпнұсқа данада жасалды. Түпнұсқа данасы Тәуелсіз Мемлекеттер Достастығының Атқарушы комитетінде сақталады, ол осы Келісімге қол қойған әрбір мемлекетке оның расталған көшірмесін жолдайды.

Әзірбайжан Республикасының	Ресей Федерациясының
Үкіметі үшін	Үкіметі үшін
Армения Республикасының	Тәжікстан Республикасының
Үкіметі үшін	Үкіметі үшін
Беларусь Республикасының	Түрікменстан
Үкіметі үшін	Үкіметі үшін
Қазақстан Республикасының	Өзбекстан Республикасының
Үкіметі үшін	Үкіметі үшін
Қырғыз Республикасының	Украина
Үкіметі үшін	Үкіметі үшін
	Молдова Республикасының
Үкіметі үшін	

Есірткі құралдарының, психотроптық заттар мен олардың прекурсорларының үлгілерін беру тәртібі туралы келісімге 1-қосымша

Есірткі құралдарының, психотроптық заттар мен олардың прекурсорларының үлгілерін беру ТӘРТІБІ

1. Есірткілер мен олардың прекурсорларының үлгілерін берудің негізгі мақсаттары: есірткінің және оның прекурсорларының заңсыз айналымы шеңберінде кейіннен өндіру орны мен тәсілін, бір партияға тиесілігін, оларды тасымалдаудың ықтимал тәсілдері мен жолдарын және басқа да мақсаттарды айқындау үшін осы үлгілерге салыстырмалы зерттеу жүргізу мүмкіндігін қамтамасыз ету; заңсыз айналымнан алынған есірткілер мен олардың прекурсорларының жаңа үлгілерімен алмасу болып табылады.
2. Есірткі мен олардың прекурсорларының үлгілерін беруді сұрау салу бойынша Тараптардың құзыретті органдарының өкілдері жүзеге асырады.
3. Есірткілер мен олардың прекурсорларын осы Келісімге қатысушы

мемлекеттердің аумақтары бойынша тасымалдау мемлекеттік бақылаумен жүзеге асырылады. Осы мақсаттарда Тараптардың құзыретті органдары есірткілер мен олардың прекурсорларының үлгілерін жеткізуді жүзеге асыратын адамдардың тізімдерін, осы Келісімге қатысушы мемлекеттердің мемлекеттік шекаралары (кедендік) арқылы өткізу пункттерін, жүру бағытын, көлікті және қажетті өзге де мәселелерді к е л і с е д і .

Есірткілерді және олардың прекурсорларының үлгілерін беру кезінде қойылатын негізгі талап шикізатты, оны алу әдістерін және, мүмкіндігінше, оны буып-түю мен пішінін сипаттайтын белгілердің сақталуын қамтамасыз ететін жағдайларды жасау б о л ы п т а б ы л а д ы .

4. Есірткі мен олардың прекурсорларының үлгілері мүмкіндігінше ірі партиялардан іріктеп алынады. Жедел қызығушылық тудыратын жекелеген жағдайларда есірткі мен олардың прекурсорлары өзге көлемдегі партиядан берілуі мүмкін.

5. Есірткінің немесе оның прекурсорының әрбір үлгісінің салмағы 50 граммнан аспауға тиіс. Жедел қызығушылық тудыратын жекелеген жағдайларда есірткінің немесе оның прекурсорының өзге салмақтағы үлгісі берілуі мүмкін.

6. Бір партиядан болса да, сыртқы түрінде немесе құрамында айырмашылықтары бар есірткіні және олардың прекурсорларын бір үлгіге біріктіруге жол берілмейді.

7. Есірткінің және олардың прекурсорларының үлгілері сыртқы ықпал етуден сенімді қорғауды қамтамасыз ететін таза бастапқы герметикалық орамаға салынады, содан кейін сұрау салынатын Тараптың (жөнелтуші) құзыретті органының мөрімен м ө р л е н е д і .

8. Осы үлгілер белгіленген нысандағы (2-қосымша) Есірткі құралының, психотроптық заттың немесе олардың прекурсорының үлгілерін есепке алу к а р т о ч к а с ы н д а к ө р с е т і л е д і .

9. Үлгінің әрбір бастапқы орамасы белгіленген нысандағы (3-қосымша) есірткі құралы, психотроптық зат немесе олардың прекурсоры үлгісінің затбелгісімен ж а р а қ т а л у ы т и і с .

Барлық қажетті ақпарат тиісті байланыс арналарын пайдалана отырып, жеке б е р і л е д і .

10. Бастапқы орама міндетті түрде жеке немесе топтық мөрленетін көліктік орамаға с а л ы н а д ы .

11. Ілеспе құжаттама есірткілердің және олардың прекурсорларының жеке нөмірлерін және орамаға салу күнін, есірткінің немесе оның прекурсорының және ораманың сыртқы түрі туралы мәліметтерді, затбелгідегі мөрдің мәтінін көрсете отырып, олардың үлгілерінің тізбесін қамтиды.

Есірткі құралдарының, психотроптық заттар мен олардың прекурсорларының

Есірткі құралдарының, психотроптық зат пен олардың
прекурсорының үлгісін есепке алу карточкасы

1.	Деректемелері	
1.1.	Тіркеу № 20__ жылғы __	
1.2.	Ведомство, карточканы толтырушының лауазымы, Т.А.Ә.	
1.3.	Үлгі № (жеке нөмірі)	
1.4.	Орамаға салынған күні	
2.	Есірткі құралы, психотроптық зат немесе оның прекурсоры туралы ақпарат	
2.1.	Атауы	
2.2.	Үлгінің салмағы (граммен)	
2.3.	Партияның алынған күні	
2.4.	Алынған жері	
2.5.	Алуды жүргізген ведомство	
2.6.	Алынған бүкіл партияның салмағы	
2.7.	Субстанцияның пайыздық мазмұны	
2.8.	Алынған партияның нысаны мен ораманың көлемі	
3.	Есірткі құралын, психотроптық затты немесе олардың прекурсорларын өндірген өңір, тасымалдау бағыты мен тәсілі туралы ақпарат	
3.1.	Қандай өңірден (ел, облыс) жеткізілді	
3.2.	Шикізат өсірілген жер	
3.3.	Шикізат өңделген жер	
3.4.	Өндірілген жері	
3.5.	Тасымалдау тәсілдері	
3.6.	Қойма орны	
	Уәкілетті адамның қолы	

(ораманы мөрлеу кезінде

пайдаланылатын мөр)

Т.А.Ә.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК